

اسم الله الكافي | الجزء الثامن | الحلقة (22) | #إنه_الله | د.

حازم شومان

حازم شومان

انه رب العباد وخير زاد. بسمه الكافي تمسك. انا رأيت ان رحمة الرزق لو تحس بالاختناق كل هم حماتي مات كله محزون كسيير يحمل اما الكبير ليس غير الله يرجى. انه نعم النصر - 00:00:00

السلام عليكم ورحمة الله وبركاته. اخواني واحبابي في الله. وصلنا لآخر حلقة في اسم الله الكافي. واطهر حلقة اسم الله الكافي وصناعة الحياة. اسم الله الكافي بغير ايه في شخصيتك؟ بغير ايه في طريقة تفكيرك؟ بيزرع معاني ايمانية ايه في قلبك؟ وصلنا لهم نقطة في - 00:01:00

مع اسم الله الكافي. ايه هي التوجيهات الحياتية؟ اللي اسم الله الكافي بيوجها لها. وصلنا للرسائل الروابط اللي ربنا يريد ان احنا نطبقها من خلال معرفتنا باسم الله الكافي. آآ وصلنا للحاجات اللي اسم الله الكافي بغيرها في شخصيتنا وبغيرها في - 00:01:30 نفسيتنا وصلنا للمعاني اليمانية والمقامات القلبية. اللي اسم الله الكافي بيزرعها جوانا. وصلنا للحاجات اللي اسم الله الكافي بغيرها في حياة والروشتات العلاجية اللي اسم الله الكافي بيحل بها مشاكل حياتنا. لو اسم الله الكافي يا جماعة وجه لنا الرسائل. هيقول لنا ايه - 00:01:50

من اعظم التوجيهات الحياتية لاسم الله الكافي. احذر احذر من اللي انا بسميه وعزرا في التسمية الاستغناء الغبي يعني ايه؟ ان ربنا الكافي اه طبعا خلاص. بما ان ربنا هو الكافي. اذا انا مش تحتاج حد جميل وبعدين مش تحتاج ان انا اتحمل اي حد ولا اصبر على عيوب - 00:02:10

في شخصية اي حد من اللي حواليها اي حد يضايقني ها عمل له شيفت دليلت من حياتي. لو انت فكرت بالطريقة دي هتلaci نفسك في الآخر بقيت وحيد في الحياة وده غلط - 00:02:29

استغناءك بالله واستكفاءك بالله. لا يعني ابدا انك تدي كارت احمر من حياتك. لكل حد زعلك او ضايقك. انت تحتاج الناس. ودي سنة من سن ربنا في الحياة ولازم تبقى انسان واقعي. ولازم تسعى لسد احتياجاتك بنفسك. وانت بتطلب من ربنا ان هو يسد لك احتياجاتك. فالله يساعد - 00:02:39

الذين يساعدون انفسهم من التوجيهات الحياتية لاسم الله الكافي. احذر من صناع النجاح دور حرامي عمرك الحرامي اللي بيسرق فلوسك ده بيسرق فلوس انما اللي بيسرق عمرك. احذر من صناع الاحتياجات. السوشيال ميديا مصابتها انها بتزرع جواك احتياجات وهمية - 00:02:59

لما تشوّف حياة الملوك، لما تشوّف حياة الامراء، لما تشوّف حياة الاغنياء، لما تشوّف حياة المشاهير، لما تشوّف ملوك جمال العالم، لما تشوّف اجمل شباب في العالم النيد والاحتياجات اللي بيزرعوها جواك وجواك انت فعلًا مش تحتاجها - 00:03:19 فاحذر من دول من التوجيهات الحياتية الخطيرة لاسم الله الكافي. احذر من انك تقعد تطلب حاجة معينة من ربنا ليل نهار وانت فاكرها احتياج يا ساسي مش هتوصل للسعادة ولا للنجاح. من غير ما ربنا يديها لك. الحاجة دي ممكن تكون سر خراب حياتك لو اتحققت. دي مش احتياج دي كارسة. شف - 00:03:35

الآية المزهلة اللي ربنا بيصور فيها مدى جهل الانسان بايه هو الخير وايه هو الشر في احتياجاته؟ قال الله عز وجل ويدعو الانسان شر

دعاه بالخير الاية بتصور لك منزr واحد قاعد يقول يا رب اتجوز فلان. يا رب آآ - 00:03:55

انا ما اقدرش اعيش من غير فلانة وهي لو اتجوزها هتبقى اكبر سبب لتعاسته في الحياة. فلما تطلب احتياج من ربنا وتلاقي الاجابة ما بتجييش اطلب من ربنا انه لو خير يعمله لك. ولو شر يصرفه عنك. اتعلم استخارة الله. قبل كل امر تقدم عليه لازم تستغفِر ربنا. لان ممكن يكون الحاجة اللي انت - 00:04:13

تموت عشان توصل لها. ممكن تكون شر اصلا مش خير. فسبحان الذي يعلم الغيب. والله يعلم وانتم لا تعلمون. ولما تطلب من ربنا حاجة وتتأخر عليك اجابتها اووعي تظن ان ربنا سبحانه وتعالى بيأخر عنك خير. ولكن قد يكون ربنا بيصرف عنك الشر. من التوجيهات الحياتية اللي اسم الله - 00:04:32

كيفي احذر من الطمع في الاحتياجات. انك تبقى نفسيا عاوز كل حاجة لازم تعرف ان ما حدش بيأخذ كل حاجة. خد بالك دي سنة من سنن ربنا في الحياة. يعني الدعاء هيتحقق لك احتياجات كتير ولكن انك تفتكر انك في الدنيا - 00:04:52

ربنا سبحانه وتعالى هيغير لك سنن الحياة كلها عشانك ده مش هيحصل. انا مش باقول لك ما تطلبش من ربنا. انا باقول لك اطلب واطلب واطلب فان الله لا لا تعظممه شيء اعطيه. الانبياء طلبو من ربنا لدرجة اننبي من الانبياء قال لربنا هب لي ملكا لا ينبغي لأحد من بعدي. لكن ما - 00:05:07

ان الدنيا في لحظة من اللحظات هتبقى جنة الدنيا مش هتبقى جنة يا جماعة. الدنيا دنيا والجنة جنة. الدنيا دار ابتلاء. هيفضل فيها مشاكل مهما عملت. عمرك ما هتاخذ كل متع الدنيا. ولا هتاخذ كل - 00:05:27

كل احتياجاتك في الدنيا. ولا هتوصل لاشباع كامل لكل رغباتك في الدنيا. لازم هيبقى في ابتلاء. لازم هيبقى في ابتلاء فيها. اووعي تنسي الحقيقة دي يعني الدعاء ممكن يغير حياتي؟ اه طبعاً ممكن يغير حياتك. الدعاء بيغير حياتك. ممكن تاخذ به احتياجات كتير جدا في حياتك يقين - 00:05:41

اذا هتاخذ به فوق ما تخيل ولكن مهما حصل الدنيا مش هتبقى جنة افتكر ده كوييس اووي وبطل طمع من التوجيهات الحياتية لاسم الله الكافي. انك لازم تفهم انك تحتاج حاجات كتير اووي اووي. واعباء حياتك كتير اووي. والحل - 00:06:01

الوحيد لحمل كل الاعباء عنك هو قوة الاتصال بالله الكافي وكثرة الدعاء. وانك تعرف ان ربنا كافيك حاجات كتير اووي فلازم على النعم اللي اداها لك. وانت مش باصص لكل اللي ربنا اداه لك. آآلان انت مركز مع اللي انت لستة ما خدتوش. زي ما انت تحتاج للعواطف - 00:06:19

والتفاهم والاحترام والفلوس والحرية والاكل والشرب والدخل السادس. انت برضو تحتاج للدين. والهدایة والاتصال بالدعاء وسماع الدروس الوعظية والمقاطع الایمانية ولا ممكِن قلبك يصدِي وتنتحر في الآخر. زي ما انت تحتاج للسرة والعيلة والسد ومحاج تحقق ذاتك - 00:06:39

احلامك ومحاج تحس بالإنجاز وتحس بالقيمة. انت كمان تحتاج للتواصل الروحي مع الله. ومحاج للاتصال بالغيب. ومحاج للاتصال بما فوق وايه اللي انت ممكِن في الآخر قلبك يصدِي وممكِن توصل لاماًراض نفسية لا حصر لها. فلازم تفهم ان احتياجاتك مش مادية - 00:06:59

وجسدية بس ولكن احتياجاتك الروحية من الله الكافي اعظم الف مرة من احتياجاتك الجسدية والمادية. من التوجيهات الحياتية لاسم الله الكافي اووعي تيأس من ديونك مهما زادت. اجري على الكافي. وافتكر كوييس اووي ان السيناريو اللي ربنا هيسد به ديونك عنك. انت مش لازم تبقى متخلِّه او متوقَّعه - 00:07:18

ولكن ربنا هيفُدي عنك. اووعي تنسي دعاء سداد الدين. اووعي تنسي اللهم اكفي بحالك عن حرام واغتنمي بفضلك عن سواك. الدعاء ده يا جماعة ما ينفعش انك تنساه ابداً ولازم تبقى فاهم كل كلمة فيه. كلمة حرامك اغتنمي بحالك عن - 00:07:39

عن حرامك. كلمة حرامك في الدعاء هنا كلمة مرعبة. ترعبك من انك انت تقرب من اي حاجة اسمها حرام. تخيل لو ملك من الملوك جاب واحد قال له القصر ده - 00:07:59

ده كله عشانك. الجنابن والفواكه اللي فيه عشانك. الاكل اللي في المطابخ اللي فيه عشانك الا اوپة واحدة اوپة واحدة بس. دي فيها حريم السلطان اوپي تقرب منهم. تخيل لو الراجل ده ساب كل النعيم اللي في القصر ودخل الاوپة دي. الملك يعمل فيه ايه؟ اهي كلمة حرامك في دعاء اللهم - 00:08:09

واكفني بحلالك عن حرامك بتفكرك بالاوپة دي. بتفكرك ان كل حاجة ربنا سماها حرام. دي حرمة من حرمات الله سبحانه وتعالى. اوپي تقرب منها عشان ما تحرمش من عطا اسم الله الكافي لك في الحال. لانك هتاخد رزقك هتاخد رزقك. يا هتاخده بالحال يا هتاخده بالحرام. الله - 00:08:29

تعالى يقول واسأله عن القرية التي كانت حاضرة البحر. اذ يعدون في السبت اذ تأتيهم حيتانهم. وقف قدام كلمة حيتانهم دي يعني ايه حيتانهم؟ هو آآ هي الحيتان بتاعتهم! دي حيتان في البحر اصلا وهم شايفينها من بعيد لأن ربنا سبحانه وتعالى بيقول معنى جبار - 00:08:49

جماعة بيقول ان الحيتان دي رزقهم. لو كانوا صبر وما خدوهاش بالحرام كانوا خدوها بالحال. ولكنهم استعجلوا وخدوها بالحرام. عشان كده لازم افهم الدعاء ده ولازم تدعى به ربنا على طول. اللهم اكفي بحلالك عن حرامك. واغتنى بفضلك عن سواك - 00:09:09

التوجيهات الحياتية باسم الله الكافي. اوپي تلحاً لسد احتياجاتك الكبير بوسائل حرام. ربنا الكافي مش الحرام هو الكافي. مش الربا هو الكافي. مش الزنا هو الكافي، مش الخيانة الزوجية هي الكافي، مش الرشوة هي الكافي. ما حدش هيقدر يكفي احتياجاتك الا الله الكافي. سبحانه وتعالى. من التوجيهات - 00:09:30

لام الله الكافي. احمد ربنا. احتياجات الانسان لا تطاق. فاحمد ربنا. واعرف ان ربنا شايل عنك احتياجاتك الكبير. فلازم تعرف ربنا عمل لك ايه وتحمد ربنا الكافي من التوجيهات الحياتية باسم الله الكافي. انك لازم تعرف ان حاجاتك كثير من اللي احنا مضيعين عمرنا فيها عشان نحصلها - 00:09:50

هي مش احتياجات اصلا هي دي عاملة زي الشلن اللي انت حاطه على عينيك وبتقول الدنيا سودا. لو بعدهه عن عينك هتكتشف ان الدنيا واسعة وكبيرة ومنورة وان كل اللي انت كنت معتقد - 00:10:11

انه سادد الدنيا عنك ومجرد شلن. انا محتاج اتفرج على مسلسلات. انا محتاج البس زي المجتمع بتاعي من البراندات. انا محتاج اركب عربية ما تقلش عن المديرين اللي زي في الشركة راكبيها. آآ في الشغل اللي انا فيه. ما تكترش احتياجاتك - 00:10:23 لان كل احتياج عندك تمنه تلات اربع سنين من عمرك عشان تحصله. وربنا ما ادكش عمر نوح خد بالك. فانت عشان تاخد ماجستير تلات اربع سنين. طب عشان تاخد دكتوراه محتاج اربع خمس سنين. طب عشان تحوش مبلغ تؤمن به مستقبلك محتاج عشر سنين غربة. طب عشان تشتري شقة تمليك محتاج - 00:10:39

عشرين سنين شغل! طب عشان تعلي موديل العربية محتاج سنتين شغل! ده معناه ايه معناه انك لازم تعرف الفرق ما بين الاحتياجات الحقيقة والاحتياجات الوهمية. لازم تعرف ان الاحتياجات الحقيقة اللي سعيك فيها عبادة آآ دي حاجة انت لازم - 00:10:59

محدة من اولها. لازم تفرق بين الاحتياجات الحقيقة اللي سعيك فيها عبادة. واللي تستاهل انك تنفق جزء من عمرك فيها الاحتياجات الوهمية اللي انت بتضيع عمرك وانت بتجري وراها. عايز اقول لك خاف على عمرك شوية - 00:11:17

خاف على عمرك شوية لانك مش جاي الدنيا دي تسد احتياجاتك. لازم تفهمي ده كويس جدا. انت جاي الدنيا هنا تحصل تمن الفردوس الاعلى. فاوسي تنسى ده تفتكر ان انت ما عندكش الا عمر واحد. هدفه الاساسي مش سد احتياجاتك الدنيوية. ده غلط. هدفه الاساسي تحصيل تمن الجنة. وانت - 00:11:33

جزء كبير من عمرك في سد احتياجاتك الدنيوية عشان تبقى مستقر دينيا وانت بتحصل تمن الجنة. هل انت حصلت ربع تمن الجنة؟ هل انت حصلت نص تمن الجنة لحد دلوقتي يا جماعة احنا وصلنا لفين؟ يا جماعة عارفين الثالثة اللي كانوا طالعين برج ستين دورا! فكان الاسناسير عطلان فقالوا نسلی نفسنا! واحنا طالعين - 00:11:53

على السلم كل واحد يحكي حكاية مسلية لمدة عشرين دور. أول واحد كان لطيف وظريف وفروفوش. قعد يحكي لهم بقى عن الرياضة والماتشات واللعبة عشرین دور. كانوا سعداء جدا. تاني واحد كان انسان جد جدا في حياته بيحب النجاح بيحب الانجاز. قعد يكلمهم عن اسرار النجاح في الحياة وقواعد الانجاز في الحياة - ١٣:١٢:٥٥

وقصص الناس اللي نجحوا عشرين دور وكانوا مبسوطين جدا. بعد كده التالت كان انسان كيبي وخيق. قعد يكلمهم عن الامراض والمصائب والابتلاءات لحد ما وصلوا لباب الشقة بعد ستين دور. اول ما وصلوا لباب الشقة فواحد بيقول للثاني هات مفتاح الشقة.

قال له مفتاح ايه؟ هو انت مش معك المفتاح؟ بصوا - 00:12:33

الثالث المفتاح فين التلاتة افتكروا انهم نسو المفتاح مع غير العماره. هو هو ده حال البشر يا جماعة في السنتين سنة اللي الانسان بيعيشهم في الدنيا. اول عشرين سنة يفضل ملهي في اللعب والانبساط. زي صاحبنا الاول بناء اول عشرين دور بالزبط - 00:12:53
تاني عشرين سنة بيفضل ملهي في النجاح وتحقيق طموحاته. في الدنيا زي صاحبنا الثاني بالزبط. تالت عشرين سنة بيبقى مشغول في الامراض ومضاعفات الامراض استنقاز صحته عشان ما ينهرش ويوصل للشيخوخة. زي صاحبنا الثالث بالزبط. وفي النهاية بيكتشف الانسان وهو بيموت. انه نسي يحصل تمن الجنة. انه - 00:13:11

اقعد مشغول باحتياجاتك الدنيوية ونسى احتياجاتك الآخرية. هو احتياجاتك الدنيوية تنسيك احتياجاتك الآخرية. اوعي السوشيال ميديا تضحك عليك وتزرع فيك احتياجات وهمية. اوعي شركات التسويق تضحك عليك. وتزرع عندك احتياجات وهمية تفضل عمرك تجري. عشان السيرامييك النوع الفلاني. اركبه في الحمام - 00:13:31

ببتي والتلاجة النوع الفلاني لازم تبقى في بيتي. والاجهزه الكهربائيه الماركة الفلانيه والشقة الدوبلكس او الفيلا في الكمبوند الفلاني
والبس براندات انا وولادي. ومراتي تشترى ميكاب واكسسوريز من المول الفلاني. وفي النهاية - [00:13:51](#)

تمن الجنة وتمن الفردوس الاعلى. الحياة مش ماراسون جري يا جماعة. الحياة مش لهاف. وراء تحقيق احتياجاتك الدنيوية. ورفع
مستوى معيشتك ودخلك وبس من التوجيهات الحياتية لاسم الله الكافي. قول رسول الله صلى الله عليه وسلم في الحديث
الصحيح: من استكفه كفاه الله. الاستكفاء بالله - [00:14:11](#)

خلي كل املك على الله. واجه الخوف من المجهول بالله. اجري على الله في اي ازمة لو حصل لك ابتلاء ايقن ان فيه حكمة جباره لله الكافي من وراها. المسافة صفر. المسافة بينك وبين تفريح كرباتك صفر. المسافة من قدرة الله وبين تغيير حياتك صفر - 00:14:33
المسافة بينك وبين السعادة صفر. المسافة بينك وبين الفرج صفر. بس ادخل على تحقيق احلامك من باب اسم الله الكافي. الله يقدر.
يغير لك الموضع بتاعك كله او عى تستكفي بغير الله سبحانه وتعالى. واو عى تنسى ابدا اليس الله بكاف عبده؟ الایة دي لما نزلت آآ
نزلت لما قريش حددوا النبي عليه الصلاة والسلام ان - 00:14:53

اصنامهم هتذهب عقله انتقاما منه. لانه بيدعوا للتوحيد اه الله الكافي يا جماعة. حبيب الله محمد عليه الصلاة والسلام كان بيصرف على تسع بيوت ازاي ؟ دي معجزة من معجزات اسم الله الكافي - 00:15:15

كل واحد مننا عنده بيته واحد وبنجلاً للكافر عشر مرات في الشهر. عشان يكفي احتياجاتنا. الرسول عليه الصلاة والسلام. كان بيضع في كل بيته من بيتهه قوت سنة مقدم يعني النبي عليه الصلاة والسلام في نهاية عمره ربنا كفاه لدرجة انه كان ممكن يجيب خزين تسع سنين في يوم واحد. لأنهم تسع بيوت كل بيته بيجب خزينة - 00:15:29

سنة من استكفى بالله كفاه، شعار مهول من استكفى كفاه الله. مين اللي كفى نوح من الغرق والطوفان الا الكافي؟ مين بكتفى ابراهيم من النار الا الكافي. مين اللي كفى يومن من بطن الحوت الا الكافي؟ مين اللي كفى موسى من جبروت فرعون وجنوده الا الكافي؟

ما كلمتكم في قصة غلام الأخدود - 09:16:00

لما قال اللهم اكفنيهم بما شئت. ربنا ارسل له زلزال دمر جنود الملك. ونجاه وارسل له اعصار في البحر دمر جنود الملك ونجاه ليه يا جماعة ربنا كفاه كل الكفاية دي ليه ؟ لانه كان مشغول بالدعوة الى الله. الدعوة الى الله من اعزم اسباب كفاية الكافي للعبد. فمن جعل همه هو الله - 00:16:32

كافاه الله هم كل شيء. ومن جعل همه هو الدعوة الى الله. كفاه الله هم كل شيء. ومن جعل همه هو نصرة دين الله. ونشر سنة رسول الله كفاه الله هم كل شيء. كمان من الاسباب اللي ربنا يتجلى عليك باسمه الكافي بها. كثرة الصلة على حبيب الله عليه الصلة والسلام - 00:16:52

يا ربي يبقى لك ورد ولك ورد يومي من الصلة على الرسول عليه الصلة والسلام. عشان كده ابي بن كعب لما قال للنبي صلى الله عليه وسلم اجعل كل صلاتي - 00:17:12

يا رسول الله يعني اعمل ورد يومي للصلة عليك يبقى فيه متين تلتزم خمسين مرات صلاة عليك يوميا ورد يومي ؟ الرسول عليه الصلة والسلام قال له ايه ؟ قال يكفيك الله ما اهلك في الدنيا والآخرة. ربنا سبحانه وتعالى يتجلى عليك باسمه الكافي ويكتفي احتياجاتك ومصاريفك - 00:17:22

ويكتفي في الازمات لو انت ادمت الصلة على رسول الله عليه وسلم ومن اعظم الاسباب لتجلي الله عليك باسمه الكافي في كل حاجة في حياتك انك تلزم الدعاء العزيم - 00:17:42

اللي عايزين نختتم به رحلتنا العظيمة مع اسم الله الكافي. وترفع ايدينا كلنا بالدعاء ده الوقتي وندعى به في نهاية هذه الرحلة الماتعة اللهم اكفنا بحالك عن حرامك اللهم اكفنا بحالك عن حرامك - 00:17:55

الله اكفنا بحالك عن حرامك. واغننا بفضلك واغننا بفضلك ومن سواك سبحانه الله وبحمدك اشهد ان لا اله الا انت استغفرك واتوب اليك. انه رب العباد باسمه الكافي تمسك انا رأيت - 00:18:13

انه رب العباد اني رأيت الرزق ضار. لو تحب حسوا بالاختناق كل هم واسع الرحمة رب العباد باسمه الكافي تمسك ان رأيت الدر مستبني انه ورب العباد - 00:18:49